



Tužilaštvo-Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTRZ 0012081 16

Datum: 19.12.2022. godine

Sudu Bosne i Hercegovine
Sudiji za prethodno saslušanje

Na osnovu člana 35. stav 2. tačka i), člana 226. stav 1. i člana 227. stav 1. Zakona o krivičnom postupku Bosne i Hercegovine (ZKP BiH) podižem

OPTUŽNICU

Protiv:

Smajić Mirsada zv. „Mire“, [REDACTED], rodenog

[REDACTED] 1964. godine u mjestu Dabovci - općina Kotor Varoš,

[REDACTED] državljanina Republike Hrvatske,

Smajić Nijaza zv. „Niče“, [REDACTED], rodenog

[REDACTED] 1961 . godine u mjestu Dabovci - općina Kotor Varoš,

[REDACTED] državljanina Republike Hrvatske,

Što su:

Tokom 1992. godine za vrijeme rata u Bosni i Hercegovini i oružanog sukoba između Vojske Republike Srpske i TO Kotor Varoš, koji se od mjeseca juna do sredine mjeseca novembra 1992. godine, odvijao na širem području općine Kotor Varoš, protivno odredbama člana 3. stav 1. tačka a)¹ i člana 147.² Ženevske konvencije o zaštiti civilnih lica za vrijeme rata od

¹ Član 3.: U slučaju oružanog sukoba koji nema karakter međunarodnog sukoba, a koji izbije na teritoriji jedne od Visokih strana ugovornica, svaka od strana u sukobu biće dužna da primjenjuje bar sljedeće odredbe:

1) Prema licima koja ne učestvuju neposredno u neprijateljstvima, podrazumjevajući tu i pripadnike oružanih snaga koji su položili oružje i lica onesposobljena za borbu ... postupaće se, u svakoj prilici, čovječno, bez ikakve nepovoljne diskriminacije zasnovane na ... vjeri ... ili kome bilo drugom sličnom mjerilu. U tome cilju zabranjeni su i zabranjuju se, u svako doba i na svakom mestu, prema gore navedenim licima sljedeći postupci:
a) povrede koje se nanose životu i telesnom integritetu, naročito sve vrste ubistva ...

12.08.1949. godine, u svojstvu pripadnika TO RBiH Kotor Varoš organizovane u više odreda, koji su kasnije nastavili funkcionisati u sastavu jedinice VII. Korpusa A RBiH, zajedno sa drugim njima poznatim pripadnicima TO RBiH Kotor Varoš učestvovali u napadu na civilno stanovništvo srpske nacionalnosti u selu Serdari, općina Kotor Varoš, koje je bilo izvan područja sukoba, svjesno i voljno učestvovali u ubistvu, pokušaju ubistva civilnih lica srpske nacionalnosti, na način što su:

- dana 17.09.1992. godine, zajedno sa [REDACTED] u ranim jutarnjim satima, oko 06,00 sati, u vrijeme dok se najveći dio civila mještana sela Serdari i obližnjih sela Dukići i Bencuzi, koji su tokom noći zbog straha boravili kod bližih srodnika u Serdarima, nalazilo na spavanju, Smajić Mirsad i Smajić Nijaz, naoružani puškama i eksplozivnim sredstvima, tokom prethodno planiranog napada na selo Serdari, došli su pred kuću [REDACTED] i bez bilo kakvog upozorenja, prethodno znajući da se radi o civilnom objektu, svo vrijeme svjesni svog zajedničkog djelovanja i prihvatajući međusobno radnje pojedinačno svakog od njih kao svoje, u namjeri da liše života civile, najprije ubacili eksplozivnu napravu u kuću, gdje su se u toj prilici u prizemlju kuće ispod stepeništa nalazili skriveni civili [REDACTED] da bi nakon toga pucanjem u zaključana ulazna vrata ista otvorili i ušli u kuću te iz vatrenog oružja, u namjeri da iste ubiju, pucali po njima, što je sve za posljedicu imalo smrt [REDACTED] i nanošenje teških tjelesnih povreda [REDACTED] koja je bila u petom mjesecu trudnoće;

Dakle:

kršeći pravila Međunarodnog humanitarnog prava za vrijeme oružanog sukoba na području općine Kotor Varoš, izvršili napad na civilno srpsko stanovništvo sela Serdari te lišili života sedam civilnih lica i pokušali lišiti života još dva civilna lica;

Čime su:

kao saizvršioци počinili krivično djelo „Ratni zločin protiv civilnog stanovništva“ iz člana 142. stav 1.³ u vezi sa članom 22.⁴ Krivičnog zakona Socijalističke Federativne Republike Jugoslavije⁵ koji je preuzet na osnovu Zakona o primjeni Krivičnog zakona Republike Bosne i Hercegovine i Krivičnog zakona SFRJ.

² **Teške povrede** Član 147.: Teške povrede ... obuhvataju jedno od sljedećih djela, ako su ona izvršena protiv lica ili dobara koje štiti Konvencija: hotimično-ubistvo, ... namjerno prouzrokovanje velikih patnji ili nanošenje ozbiljnih povreda tjelu ili zdravlju, ...

³ **Ratni zločin protiv civilnog stanovništva - Član 142. stav (1):** Ko kršeći pravila međunarodnog prava za vreme rata, oružanog sukoba ... izvrši napad na civilno stanovništvo, naselje, pojedina civilna lica ili lica onesposobljena za borbu, koji je imao za posledicu smrt, tešku telesnu povredu ili teško narušavanje zdravlja ljudi; ... ili ko izvrši neko od navedenih dela, kazniće se zatvorom najmanje pet godina ili smrtnom kaznom.

⁴ **Saizvršilaštvo - Član 22.** Ako više lica, učestvovanjem u radnji izvršenja ili na drugi način, zajednički učine krivično delo, svako od njih kazniće se kaznom propisanom za to delo.

⁵ Sl. list SFRJ br. 44/76-1392, 36/77-1478, 56/77-1982, 34/84-895, 37/84-933, 74/87-1743, 57/89-1441, 3/90-63

Tužilac Tužilaštva BiH
